



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O PRISTUPANJU IZRADI STRATEGIJE RAZVOJA GRADA SARAJEVA
2021.-2027. GODINE

Sarajevo, maj 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 20. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), Gradsko vijeće Grada Sarajeva, na 48. sjednici održanoj dana __.05.2021. godine, donijelo je:

(Prijedlog)

ODLUKU
o pristupanju izradi Strategije razvoja Grada Sarajeva
2021.-2027.godine

Član 1.

Pristupa se izradi Strategije razvoja Grada Sarajevo za period 2021. do 2027. godine (u daljnjem tekstu: Strategija).

Član 2.

Strategija iz člana 1. ove Odluke donosi se za period od sedam godina, odnosno za period od 2021. do 2027. godine u skladu sa strateškim okvirom koji je utvrdila Federacija Bosne i Hercegovine

Član 3.

Metodologija izrade Strategije će se vršiti prema Uredbi o izradi strateških dokumenata u Federaciji Bosne i Hercegovine.

Član 4.

Sastavni dio Strategije je i evaluacija Strategije razvoja Grada Sarajeva 2012.-2020.godine.

Član 5.

Gradonačelnica će svojim aktima uspostaviti operativna i konsultativna radna tijela koja će raditi na izradi Strategije i strateških dokumenata.

Član 6.

Rok za dostavljanje nacрта Strategije Gradskom vijeću je 01.09.2021. godine

Rok za dostavljanje prijedloga Strategije Gradskom vijeću Grada Sarajeva je 01.12.2021. godine.

Član 7.

Izrada Strategije će se finansirati iz Budžeta Grada Sarajeva i grantova sredstava partnerskih organizacija, ustanova i institucija.

Član 8.

Nosilac pripreme za izradu Strategije je Gradonačelnica Grada Sarajeva i Gradski savjet.

Član 9.

Ova odluka stupa na snagu osam dana od dana objavljivanja u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo:

OBRAZLOŽENJE

I – PRAVNI OSNOV

Pravni osnov za donošenje ove Odluke sadržan je u članu 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst).

Također, članom 20. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), propisano je da se, Strategijom razvoja jedinica lokalne samouprave, utvrđuju ciljevi i prioriteti razvoja jedinica lokalne samouprave u Federaciji, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje. Te da Strategiju razvoja jedinice lokalne samouprave donosi općinsko, odnosno gradsko vijeće na prijedlog općinskog načelnika, odnosno gradonačelnika.

II – RAZLOZI ZA DONOŠENJE

Obzirom da je istekao period na koji je donesena Strategija razvoja Grada Sarajeva 2012.-2020. godine te je u skladu sa zakonom i potrebama razvoja grada potrebno donijeti novu Strategiju razvoja Grada Sarajeva sa novim periodom njene primjene.

Parlament Federacije Bosne i Hercegovine je 2017. godine usvojio Zakon o razvojnom planiranju i upravljanju razvojem u Federaciji Bosne i Hercegovine kojim su definisani pravci razvojnog planiranja i za jedinice lokalne samouprave u Federaciji Bosne i Hercegovine.

Strategija razvoja jedinice lokalne samouprave je osnovni dokument za izradu DOB-a, budžeta i PJI jedinice lokalne samouprave, programa rada općinskog načelnika, odnosno gradonačelnika za mandatni period, trogodišnjeg i godišnjeg plana rada jedinice lokalne samouprave i godišnjeg programa rada općinskog načelnika, odnosno gradonačelnika.

Strategija razvoja jedinice lokalne samouprave sadrži prioritete prostornog razvoja jedinice lokalne samouprave i razvojne pravce definirane u strateškim dokumentima kantona i Federacije.

Strategija razvoja je također preduslov za mnoge razvojne programe i dobivanje sredstava za realizaciju projekata za većinu fondova.

III – OBRAZLOŽENJE PRAVNIH RJEŠENJA

Članom 1. se pristupa izradi Strategije razvoja Grada Sarajevo 2021.-2027., dok je članom 2. propisano da je period za koji se radi Strategija 7 godina što je u skladu sa zakonskom obavezom vertikalne koordinacije sa Federacijom Bosne i Hercegovine.

Članom 3. ove Odluke se propisuje da će Strategija biti rađena prema metodologiji koja je propisana Uredbom Vlade FBiH na osnovu federalnog zakona, kao i da će sastavni dio Strategije biti evaluacija Strategije koja je završena zaključno sa 2020.godinom što je propisano članom 4. ove Odluke.

Članom 5. ove Odluke je propisano da Gradonačelnica može osnovati operativna i konsultativna radna tijela koja će raditi na izradi Strategije, dok se članom 8. Gradski savjet, kao tijelo koje je definisano Statutom Grada Sarajeva, obavezuje da vodi ovaj proces.

Izradi Strategije se pristupilo veoma kasno, zbog čega će rokovi za izradu Strategije biti kratki kako bi se do kraja godine Strategija usvojila na Gradskom vijeću Grada Sarajeva, rokovi su propisani članom 6. ove Odluke.

IV – POTREBNA FINANSIJSKA SREDSTVA

Nisu potrebna dodatna finansijska sredstva, izrada Strategije će se finansirati iz usvojenog budžeta Grada Sarajeva za 2021. godinu sa stavke Ugovorenih usluga i drugih stavki koje imaju direktnu vezu sa izradom strateških dokumenata.

Kroz saradnju sa međunarodni organizacijama će se nastojati doći do dodatnih sredstava za izradu Strategije.